

柳州府志卷之二十八

遷謫

附流寓

嘗讀離騷天問招魂竊黯然悲其意及觀蘇文忠到昌化軍謝表云並鬼門以東驚浮瘴海而南遷又未嘗不掩卷太息也曰嗟乎孤臣去國萬里投荒今古同悲可勝道哉柳在唐時為極邊勲賢重臣放逐於茲土者不少至宋尤甚憑弔前徽訪其某某所至之地都人士猶艷稱之且尸祝而俎豆之貶斥在一時而芳蹤傳百世亦可見直道常存

柳州府志

卷之二十八

遷謫

附流寓

一

人心不死矣乃若離邦去里適此樂郊寓公之中亦有可紀者故并及之志遷謫

唐

薛仁貴絳州龍門人以破高麗功拜大將軍封平陽郡公咸亨元年征吐蕃敗績原死除名未幾高麗餘衆叛起為鷄林道總管坐事貶象州會赦還帝思其功召見曰疇歲萬年宮微卿我且為魚前日殄九姓破高麗爾功居多於是拜代州都督柳奭字子邵蒲州人貞觀中累遷中書舍人外孫

為皇后進中書令后廢貶象州刺史坐通宮掖謀
行鳩毒被殺期以上並流嶺表神龍初復官爵開
元中柳渙為中書舍人上言臣從伯祖奭與褚遂
良等同被譴戮雖復原雪而子孫殆盡惟曾孫無
忝客籍龔州願許伯祖歸葬孤孫北遷於是詔無
忝護奭柩歸官給喪事後無忝官至潭州都督
李白字太白興聖皇帝九世孫以賀知章薦詔供
奉翰林後放還永王璘辟為府僚佐璘反逃還彭
澤璘敗長流夜郎時假道藤州由柳州至懷遠相

柳州府志

卷之二十八

遷謫

附流寓

一一

傳有讀書故蹟焉

劉蕡字去華昌平人元和末宦官熾橫太和二年
蕡與賢良對策言宦官之禍詞甚切直執政抑之
後七年有甘露之變令狐楚牛僧孺皆表蕡幕府
授秘書郎宦官深嫉蕡誣以罪貶柳州司戶叅軍
卒蕡寓桂時與李商隱游商隱以詩哭之曰一叫
千回首天高不為聞又曰已為秦逐客復作楚冤
魂并將添恨淚一灑問乾坤其悲之至矣
孔溫裕魯人大中間黨項為邊患發兵討之連年

無功溫裕為左補闕上疏切諫宣宗怒貶柳州司馬
宋 張庭堅字才叔廣安軍人為右正言薦司馬光呂
公著蘇軾蘇轍可用曾布駁之因出陳州初蔡京
守蜀庭堅在幕府與相好及京還朝欲引為用先
令鄉人諭意庭堅不肯往京銜之遂列諸黨籍又
坐嘗談瑤華非辜事編管虢州再徙象州久之復
故官

柳州府志

卷之二十八

遷謫

附流寓

三一

秦觀字少游揚州高郵人見蘇軾於徐為賦黃樓
軾以為有屈宋才登第調定海主簿歷秘書省正
字兼國史院編修紹聖初坐黨籍出通判杭州御
史劉拯論其增損實錄貶監處州酒稅使者伺其
過失無所得則以謁告寫佛書為罪削秩徙柳州
繼編管橫州又徙雷州徽宗立復宣德郎放還至
藤州出遊華光亭為客道夢中長短句有醉臥古
藤陰下杳不知南北之語一日醉起索水欲飲水
至笑視之而卒年五十三先自作輓詞其語哀甚

時陳無己亦客藤黃庭堅詩曰閉門覓句陳無己
對客揮毫秦少游二子不知溫飽味西風吹淚古
藤州蓋傷之也

范正平字子夷宰相范純仁之子也為開封尉以
事獲罪蔡京及京當國言正平矯撰父遺表又謂
李之儀述純仁行狀妄載中使蔡克明傳二聖虛
佇之意逮送御史府不勝捶楚賴克明辨釋正平
羈管象州之儀羈管太平州

龔夬字彥和瀛州人登進士為御史時章惇蔡下

柳州府志

卷之二十八

遷謫

附流寓

四

用事夬極論其惡請正典刑又論蔡京上誣宣仁
歸咎先帝願正奸臣之罪於是三人皆去又上疏
乞正元祐后冊位號崇寧初元祐后冊再廢言者
論夬首尾建言詔削籍編管房州繼徙象州

張浚字德遠漢州綿竹人中進士第靖康初為太
常簿張邦昌僭立逃入太學聞高宗即位馳赴南
京除編修擢殿中侍御史奏韓世忠所部逐諫臣
墜水死遷侍御史因請下詔葺東京關陝以待巡
□拂宰相意除興元府未行擢禮部侍郎建炎三

年命於吳門節制軍馬苗傅劉正彥作亂浚約呂頤浩劉光世舉兵問罪而韓世忠師抵常熟浚招之令急趨秀州傅等懼誣浚欲危社稷謫柳州安置會頤浩等兵至浚乃傳檄索諸軍進世忠等擊破之傅與正彥脫逃浚等入見高宗勞問再三曰曩小黃門忽傳太母命不得已貶卿柳州念卿被謫此事誰任留入內殿曰太后知卿忠義欲識卿面因解玉帶以賜

劉洪道岳武穆重其才辟為叅謀有戰功紹興中

柳州府志

卷之二十八

遷謫

附流寓

五

飛死洪道謫柳州

高穎紹興中叅福建安撫司坐從岳飛謫象州固窮守節剛直之性始終不渝

劉奉世紹興四年十一月貶隰州團練使柳州安置

折彥質字仲古雲中人紹興中累官至僉書樞密院事初趙鼎為相屢薦彥質後秦檜專相以彥質為鼎所引謫海外經桂寓西山寺有超然亭及訪訾家州諸詩後安置柳州編管潯州自號葆真居

士

孫覲字仲益晉陵人舉進士文章不為俗態靖康中為執法改詞臣旋由瑣闥歷吏戶長貳知秀州温州臨安諸郡其章疏制誥表奏明辨駿發每一篇出世爭傳誦紹興間謫象州久之放歸寓桂喜其山水作十詠劉彥適陳兗董棻趙子巖與覲同游曾公巖嘗自稱為初遼道人孫偉謫融州寓桂日久與劉開州父子蔣穎兄弟游惟以講學為務桂林學問之源自偉始

柳州府志

卷之二十八

遷謫

附流寓

六

傅自得懷州人知興化軍謫融州杜門讀書無復仕進意宰相陳康伯奏得自便乾道間復故官商榮福建路總管兼延祥水軍統制開禧三年二月削官柳州安置
胡夢昱字季昭吉水人大理評事星隕之變言今日禍機有五時輩推其謬諤濟王禍出倉卒議奪王爵夢昱憤甚援晉太子申生漢戾太子及秦王廷美事為證又遺書史彌遠反覆責備彌遠大怒御史季知孝迎合風旨劾夢昱黨逆削籍羈管象

州過桂林桂林帥錢宏祖欲害之未及施而宏祖
暴亡後夢昱以疾卒於象象人每過其處輒指曰
忠直之居

明

張金陵字承翰吉水人正統間授河南道監察御
史風裁嚴峻劾都御史周銓不法左遷柳州雷塘
驛丞時象州屢為猺獞侵擾民無寧居乃議起金
陵署州事既至為立信設法揭榜撫諭猺獞解散
民安生業景泰甲戌交章薦知太平府事而金陵

柳州府志

卷之二十八

遷謫

附流寓

七

已因母喪去官矣

劉仕字以學中部人正德進士授刑部主事世宗
朝以議興獻禮哭奉天門廷杖不死久之起員外
郎歷郎中會劾武定侯庇奸廷杖謫戍柳州十年
穆宗立起太僕少卿不就年八十一卒
楊廷蘭任吏科給事中萬歷間以妖書事為御史
趙之翰所謫懷遠典史

流寓

唐

韋厥上林人武德間持節壓服生蠻開擴化外功業卓越一時詔領澄州刺史後隱於象州之智誠洞與諸子皆封侯廟食

宋

吳敏字元中真州人大觀初辟雍試首選蔡京喜其文欲妻以女辭後歷遷門下侍郎欽宗立拜少宰主和議與太宰徐處仁議不合再貶崇信軍節度副使建炎初移柳州嘗遊桂城外南禪寺多遺墨

柳州府志

卷之二十八

遷謫

附流寓

八

汪應辰字聖錫玉山人紹興五年進士第一年甫十八上欲授館職趙鼎言且歷外任以養其才授鎮東軍僉判召為秘書省正字時秦檜力主和議應辰上疏謂和議不諧非所患和議諧矣而因循無備之可畏異議不息非所患異議息矣而上下相蒙之可畏秦檜大不悅遂請歸張九成謫邵州交遊皆絕應辰時通問趙鼎歿應辰為文祭之衢州守章傑希檜意指為死黨檜欲竟其事以胡寅言而止然竟銜之通判靜江府踰期不得代請歸

省其母繼差通判廣州流落嶺嶠十有七年檜死
始還朝

王安中字履道陽曲人進士及第政和間箋賀瑞
應徽宗稱為奇才為御史論蔡京欺君害民上為
悚然及授知燕山府以遼降將郭藥師同知府事
安中不能制張穀據平州附金後叛金來奔金索
之急安中不得已縊殺之函其首送金藥師懼遂
叛命言官論之安置象州尋放自便卒

國朝

柳州府志 卷之二十八

遷謫

附流寓

九

殷弼字夢臣廣東舉人明末為中書後居融縣之
長安鎮授徒講學融士多出其門所著詩古文詞
甚富學者稱為羊城先生卒年八十有一
林中賢臨桂人性剛介能詩所至多題詠乾隆十
一年僑寓來賓賣卜於市言禍福多奇中得錢輒
沽酒邀二三知己傾壺作詩歲歉邑令糶常平穀
中賢往買為門者所呵遂返嘆曰某如食嗟來當
不至此後卒葬北門外

柳州府志卷之二十八終